

p. 746 L. -4【意者世出世之本】《大乘起信論》：「生滅因緣者，所謂眾生依心、意、意識轉故。此義云何？以依阿梨耶識，說有無明，不覺而起，能見、能現、能取境界，起念相續，故說為意。此意復有五種名。云何為五？一者、名為業識，謂無明力不覺心動故。二者、名為轉識，依於動心能見相故。三者、名為現識，所謂能現一切境界，猶如明鏡現於色像；現識亦爾，隨其五塵對至，即現無有前後，以一切時任運而起常在前故。四者、名為智識，謂分別染淨法故。五者、名為相續識，以念相應不斷故，住持過去無量世等善惡之業令不失故，復能成熟現在未來苦樂等報無差違故，能令現在已經之事忽然而念，未來之事不覺妄慮。是故三界虛偽唯心所作，離心則無六塵境界。」(T32,p.577b3-17)

《大乘起信論義記》卷2：「諸識生滅相集而生。故名眾生。而無別體。唯依心體。故言依心。即是梨耶自相心也。能依眾生是意意識。依心體起故云轉。轉者起也。」(T44,p.264b20-23)

p. 746 L. -3【無盡意、假】《觀音義疏記》卷1：「圓人觀俗即是妙有，故行萬行；觀真能達不空之真，是故不住三無為坑。是故二諦皆是常住不思議假，故名無盡。」(T34,p.936b29-c2)

p. 746 L. -3【一切皆是法界、上定】《大般涅槃經》卷27〈11 師子吼菩薩品〉：「善男子！一切眾生具足三定，謂上、中、下。上者，謂佛性也，以是故言，一切眾生悉有佛性。」(T12,pp.524c28-525a1)

《妙法蓮華經玄義》卷1：「《大經》云「能觀心性，名為上定。上定者，第一義定。」證心是體。」(T33,p.685,c18-19)

《大般若波羅蜜多經》卷578：一切法即真如故，…一切法即法界故…一切法即法性故…一切法即實際故…一切法即本空故…一切法即無相故…一切法即無願故…一切法無邊際故…一切法有業用故，當知般若波羅蜜多亦有業用。」(T07,pp.989c20-p.990a24)

《觀音義疏記》卷1：「引經示相，四：初、《勝鬘》約佛法明中，以一切法皆佛法故。法無不中，中故常住，常住故無盡。二、《大品》約法界明中。法界體是大總相故，諸法皆趣。如提綱領，毛目悉歸。造境皆中，何法非總？今特言意，蓋為釋經。意為法界，理必雙非。名無盡者，名偏意圓，故例真常，實無邊倒。今釋無盡，上下皆然。三、《淨名》示即邊是中。空有當體皆是圓中，中性不改，豈可有盡？此之無盡，蕩二邊情，是故能

2023/11/21

空盡與不盡。「故知」下，結成圓中是真無盡。四、《大品》明諸法皆中，修惡全體是性惡故。十二因緣及以五陰，一一如空，常住周遍。非當宗義，此文莫銷。二、「如此」下，結經明中。」(T34,p.936c14-26)

p. 746 L. -2【以何因緣】如前 p. 716 : 5 & p. 730 : 10。「境智因緣名觀世音」。

p. 746 L. -2【善惡兩機為因】ref. p. 747 : 7「善惡合為機」。《法華玄義釋籤》卷 12：「善惡相帶為機者，初從闡提起改悔心，此舉極惡以帶微善，上至等覺一品無明，此舉極善以帶微惡。準望前釋，極善唯在佛，極惡唯闡提，二既非機，故以闡提改悔、等覺無明，即是相帶，名之為機。」(T33,p.901c17-21)

眾生：以善惡兩機為因（自、內） 聖人靈智慈悲為緣（他、外）。

菩薩：以觀智慈悲為因（自行） 眾生機感為緣（化他）。

p. 747 L. 1【十四無畏】依《楞嚴正脈疏》科：一、八難無畏；二、三毒無畏（貪瞋癡）；三、二求無畏；四、持名無畏。「八難無畏」：(1)苦惱難(2)火燒難(3)水溺難(4)鬼害難(5)刀兵難(6)鬼見難(7)枷鎖難(8)賊盜難。

上述十四無畏對照《普門品》科如下：

總答→(1)苦惱難。別答→八難餘七+二求+三毒。勸持名答→持名無畏。

p. 747 L. 6【今顯人多苦多】《觀音義疏》卷 1：「所以舉多數者。明百千萬億種業。遭苦稱名。一時有機。一時能應。皆得解脫。何況一人一業一機獨來而不能救。此舉境眾機多。以顯觀深應大也。」(T34,p.922,b21-25)

p. 747 L. 8【聞有四義】《觀音義疏記》卷 1：「三藏，能聞所聞皆是實有，通教即空，別教即假，圓，知能所皆是法界。聞既有四，思修亦然。故《大本疏》解我聞，有聞聞、聞不聞、不聞聞、不聞不聞。」(T34, p. 937c17-21)

**聞聞**：有能聞、所聞。

**聞不聞**：聞即不聞，性空故。

**不聞聞**：不聞而聞，即空而緣起故。

**不聞不聞**：非聞、非不聞，即聞、即不聞；非假、非空，即假、即空。雙遮雙照。能聞、所聞皆即是法界，一切法趣聞，是趣不過。